

*Q. D. B. V.*

*De*

SERENISSIM. ELECTORUM

SAXONIÆ

F A V O R E

<sup>IN</sup>

LITERAS & SCHOLAS,

MODERANTE

L. ADAMO RECHENBERG, P.P.

Academiæ Lipsiensis jam Rectore

Magnifico nec non Collegii Philo-  
phici Pro-Cancellario

D. XIIIX. Dec. A. C. M DC LXXXIX.  
publicè differet

SEBASTIANUS Gottfrid Starck /  
Freiberg. Misn.

*L I P S I A E,*


Literis WITTIGAVIANIS.

Hist. Saxon.

A.

201<sup>m</sup>, 21<sup>m</sup>.

CIVITATIS FREIBERGENSIS  
Hermundurorum  
*Florentissimæ,*  
CONSULIBUS, PRÆTORIBUS  
&  
CETERIS ORDINIS SENATORI  
VIRIS  
*Nobilissimis, Amplissimis, Consultissimis & Specatissimis*  
Dominis Patronis & Promoto-  
ribus  
omni observantia colendis,  
*chartas basce Academicas*  
in  
*cultus & observantiae*  
tesseram  
offert & consecrat  
SEBASTIANUS Gottfried Stark.



## B. C. D.



Q  
Vod maxime consentaneum videtur, ut ea quisque exequatur, ad quæ aut à natura formatius, aut educatione sedulaq;ve institutione instructus est, atque præparatus; id forte etiam in literarum studiis observandum, nemo inficiabitur: ut eorum præcipue curam geramus, qvibus eæ ceu fulcimentis qvibusdam innisæ ad summum fastigium pervenerint, atque adhuc sustineantur. Itaque qvum examini eruditorum publico esset quoddam profectuum Academicorum speciem edendum, non alia visa materia convenientior illorum, qui in literas ac literatos Patronos se exhibuerunt, contemplatione. Qvo ex genere cum nulla non ætas nonnullos nobis ostendat, neque forte regio ulla aut natio, maxime in Europa nostra (illa ab omni ævo, quantum recordamur, elegantioris doctrinæ nutrice) reperiatur, cuius cives perpetuo odio immeritas Musas fuerint prosequuti: nos tamen, quorum præcipue alimur beneficiis meritisque obstringimur, ad SERENISSIMOS SAXONIÆ PRINCIPES nos conferimus, nec veterum con-

A. 2

temto-

temtores, nec peregrinorum incuriosi, si tempus commo-  
dius locusque se offeret fortassis in posterum. Qvod  
argumentum cum agnoscamus facile, fateamur que tan-  
tuli ingenii captum excedere; tamen ne ab instituto  
recedamus, prohibet, quâ in **S E R E N I S S.**  
**S A X O N I Æ** **E L E C T O R E S**  
ducimur cum bene animatis civibus omnibus, pietas,  
ac de quo supra meminimus, literatorum officium, cui  
si obtemperemus, atque hac vice **FAVOREM**  
**SERENISS. ELECTORUM SAXONIÆ**  
**IN LITERAS ET SCHOLAS**, pro  
virili exponamus, rem facturi videmur, ut nobis non  
inconvenientem, ita nec a voluntate Lectoris æqui  
alienam.

§. I.

### §. I.

Vanqnam igitur adeo cum literis arma  
atqve bella non habere commercii qvid.  
qvam qvis putet; ut ~~b~~arbare potius ani-  
mos atqve illam Musarum quietem tubæ  
atqve litui, qvam ad studia clangore suo provoca-  
re videantur: tamen ita evenire comperimus, ut  
fere Principes fortissimi qvos Martis alumnos sæ-  
pe appellant Poëtæ, artium se exhibeant, perbeni-  
gnos nutritores. Sive enim agnoscunt disci ab  
eruditis prudentiam, qva opus omnino habent &  
ad animos militares coercendos, & ad consilia sua  
perseqvenda, hostium eludenda; sive hoc agunt, ut  
apud posteritatem etiam laudem ac gloriam asse-  
quantur; utique latere, nisi historiæ penitus exper-  
tem non potest, ex omni ævo huc adduci exem-  
pla posse. Saxonibus etiam nostris ut belli famam,  
nemo, nec ipsi hostes, denegant; ita qvo in lite-  
ras studio semper fuerint, nostra refert attendere.

### §. II.

Nemini autem non est apertum, LITERAS  
hic nobis cum lingvas & artes, tum scientias omnes  
& disciplinas notare, qvæ liberali homine maxi-  
me dignæ sunt, ac priscis illis Romanis, Ciceroni  
præcipue, sapientia atqve doctrina, Græcis σοφία  
& φιλοσοφία, nobis eruditio ac vulgo studia  
vocantur; unde LITERATORUM nomen, quo  
tum eos, qui in harum studio velut ad metam per-  
venerunt sapientiæ, tum qui aliquo spatio confe-  
sto, è longinquo eandem exspectant; tum deniqve  
qui carceribus adhuc quasi clausi cursum meditan-

tur potius, quam tentant, denotari omnibus constat. Hos ex more non ita vetusto in *quatuor* classes, quas vulgo *Facultates* in Academiis vocant, describere solent; ita, ut ubi illæ cum jure conferendi honores Academicos vigeant, nomen *Academia* ex Græcia desumtum usurpetur. (a)

§. III.

FAVORE autem PRINCIPUM IN LITERAS eam intelligimus gratiam, quam in erigendis Scholis, virisqve dignis præficiendis, atqve salariis, privilegiis, ut & dissentium stipendiis constituendis, aut alio qvovis modo, promovendis literis, demonstrarunt. Atqve hanc SERENISSIMÆ DOMUI SAX. maxime ELECTORIBUS esse propriam, edificare jam pluribus institui,

§. IV.

Etenim PRINCIPES atqve ELECTORES SAXONIÆ inde ab aliquot jam seculis favorem erga scholas singularem abunde testatos esse, testimoniiis oppido luculentis ostendi potest. Nam five *Academias*, five *triviales* ab iis institutas *Scholas* contemplerunt, illustris gratiæ monimenta extant plurima.

§. V.

Primum de ACADEMIIS, qvæ cura Inclitorum Saxoniarum Principum laudatorum surrexerunt, paucis differam. E qvibus ut ætate, ita forte etiam fama ac gloria, qva nunc viget, perpetuoqve utinam vigeat, primum sibi locum Philurea nostra vendicat. Dedit istam nobis FREDERI-

---

(a) Conf. H. Couring. Antiq. Acad. Diff. III.

DERICUS, Landgravius Thuringiæ, & Marchio  
Misniæ: qvi cum à puero in castris versatus, pluri-  
misqve bellis maxime Hussiticis esset exercitatus,  
BELLICOSI nomen indeptus est, simul & Duca-  
tum Saxoniæ hactenus velut vagum extra stirpem  
Wittichindeam, propter virtutem in bello adproba-  
tam, ope Sigismundi Imperatoris, Electoratus tum  
vacantis qvidem dignitate au&tum recepit.(b)

### §. VI.

Hic cum Fratre Wilhelmo II. divite alias dicto  
misertus Musarum, qvas turbæ Bohemorum, atq;  
ereptorum privilegiorum injuria, contentiones et-  
iam ex dogmate Hussitico Germanis tum Papalis  
ignorantiæ tenebris immersis inviso, Praga exce-  
dere coegerant, benigne easdem exceptit.

### §. VII.

Causæ qvæ moverint Fridericum, ut ita be-  
nignum se erga Musas exulantes gereret, allegan-  
tur potissimum duæ: odium in Hussitas, qvibus  
cum armis infestus esset, ægre etiam facere volu-  
erit Academiæ novæ institutione; & in literas  
amor, qvem contraxerit per amicitiam cum Si-  
gismundo Imperatore. (c) Qvām in rem verosi-  
mille erit, contulisse nonnihil preces Vincentii  
Gruneri, qvibus dedit Fridericus, ut vagæ tum  
Musæ propriam perpetuamqve sedem habe-  
rent

---

(b) Fabric. Sax. Illustr. p. 684. & Hortled. f. 1. de B. Sm. I. IV.  
c. 23. n. 51. 25 (c) Fridericus in Orat. seculari p. 21. De Sigismun-  
do Philippus in Chronico habet, fuisse eum animo heroi-  
co ac magno, delectatum etiam esse lectione historicorum,  
ac jussisse sibi ex Græco in Latinum transferri Arriani hi-

rent. (d) Prætereaqve impulisse eum credimus spem, qvam de fructu ex eâ re ad cives suos per venturo, ut prudens Princeps, conceperat. Cum enim tum temporis perpaucæ essent per Germaniam Academiæ, (e) ut plerique omnes Pragam adire studiorum cauſſa, necesse haberent, fore videbat, ut non solum fines egredi eam ob rem civibus suis non esset opus; sed exterorum etiam adventu plurimum ad eosdem emolumenti rediret. Nam insulorum qvorundam hominum opinio est, qvi nihil plane commodi ex Academiis in civitatem redundare perſvasum sibi habent, a qua Heros hic longe fuit alienissimus.

### §. IIX.

Itaque cum more illorum temporum à Pontifice R. Alexandro V. Privilegia impetrasset Academiæ novæ, isqve horum Conservatorem constituisse Antistitem Martisburgensem, die II. Decemb. A. M.CCCC IX. illam constituit, primo Rectore Magnifico creato *M. Johanne Ottone de Munsterberg* SS. Theol. P. P. (f) cœtuqve studiorum in quatuor nationes, Polonicam nempe,

Bavari-

---

storiam per P. Paulum Vergerium, anteqvam Bartholomæi Pacii translatio haberetur p. 620. (d) Fuit deinde Gru nerus primus Theol. in hac Alma Professor, juxta Frid. Orat. cit. p. 22. qvem si qvis Lipsia oriundum putat, falsus est, cum eum Zwickaviensem esse, manifestum fecerit *Fellerus* noster celeberrimus, in *Cygnis Quasimodogenitis* c. I. (e) celebriores tantum numerabantur in Germania, *Vienensis*, *Coloniensis*, *Heidelbergensis* & *Heripolensis*, de qvibus passim vid. *Chronica*. (f) Fundavit hic Collegium B. Mariæ Virginis, & primus è 46. Magistris & Doctoribus Lipsi-

Bavaricam, Misnensem, & Saxoniam distri-  
buto. (g)

§. IX.

Ubi obiter velut observari meretur, ante repurgatam Evangelii doctrinam Pontificis R. jus ac imperium in Academias fuisse supremum, ut ab illo & jura petere singularia, & ad ipsum etiam provocare quandoque necesse habuerint: sed abrogato eo in majori parte Germaniae, à Protestantibus, hoc jus conferendi Academiis privilegia, ac potestatem decernendi honores Academicos, Cæsari vindicatum fuit. (h)

B

§. X.

ensi Matriculae insertus est. *Frid. l. c. p. 26.* Fundationem Academæ prid. Cal. accidisse scribit *Peiferus in Lipsiâ L. III. §. 12. p. 303.* sed corrigitur à *Schneidero in Chron. Lips. L. VI. p. 274.* Erat enim ille dies proximus à Dominica I. Adventus, in quam tum Calendæ Decemb. inciderant. Ipsa fundatio & confirmatio Pontificis habetur apud eundem *l. c. p. 275.* (g) *Frid. l. c. p. 28.* Atque adeo cum Praga nationes habuisset Bavanicam, Saxoniam, Polonicam & Bohemicam, quarum tres priores uno Germanicæ nomine notabantur, tum in locum Bohemicæ successit Misnensis v. *Frid. l. c. p. 16. s.* De institutione etiam hujus Academæ, ut & Canonicatibus ei à Pontifice R. in usum Professorum donatis, videri potest *Dresserus in Isag. Hist. Mill. VI. P. II. p. 262.* qui tamen, quam ob causam, non liquet, ad An. 1411. Academæ institutionem retulit. Quæ ad quamlibet nationem, regiones censeantur, discitur ex *Schneid. Chron. Lips. L. VI. p. 289. s.* (h) *Linn. J. P. VIII. I.* Nequam v. imminuta jam Pontificis autoritate, conciderunt privilegia ab illo data, siquidem & de his, & de aliis Maximiliani I. Caroli V. Ferdinandi I. & Maximiliani II. Impp. ostendi posse diplomata, *Schneiderus l. c. p. 252.* afferit.

§. X.

Privilegia tamen Academiæ Lipsiensi à Papa justis de causis jam indulta, Serenissimus Saxoniæ Elector *Mauritius*, qvo fuit in literas amore, clementissime confirmavit: (i) ut est exemptio à foro, qvod seculare vocant. Cum enim omnium confessione, Academiarum Doctores & alumni, ordini, qvi Clericorum inveterata consuetudine dicitur, accenseantur; (k) hos autem usū tum apud Pontificios, tum Protestantes recepto, haudqvaquam jurisdictioni civili subjace-re manifestum sit appareat, ipsos tantum coram sacris tribunalibus se sistere teneri. Id qvod adeo certum est, ut qvi discrimen inter regimen seculare & ecclesiasticum admittunt, non possint non simul Academias & Scholas sacris judiciis, qvæ Consistoria appellantur, subjicere. (l) Nam utrumque regimen, ut diversi generis res (vel objecta) habet; ita & ex diverso velut fonte derivatur. *Seculare* Principes ac Ordines imperii ex jure teritoriorum hæreditario, proprio atqve perpetuo possident: sed *ecclesiasticum* ex concessione imperiali, vigore decreti vel pacis Passaviensis indepti sunt.

---

(i) In Rescripto qvod, die III. Maj. A. M. D. XLV. ad Academiam Lipsensem emanavit: Dieweil aber Anfangs bemeldte unsere Universität in Zeit der Stiftung und hernach stattlichen befreyet: So wollen und ordnen wir daß dieselben Freyheiten in allen Puncten und Articuln sollen gehalten werden. Denn wir sind geneigt / sie darbei gnädig zu schützen/ und hand zu haben. (k) D. Joh. Gisenii Disput. XIII. de vita Academ. §. 39. & D. Liebenthalum de Privilegiis Studiosorum n. 9. (l) conf. Conring. de Antiq. Acad. Diss. V.

sunt. Itaque par est, ut more in cultiori Europa  
jam recepto, utrumque regimen distincta sortia-  
tur iudicia, in quibus id exerceatur. quod D. Joh.  
Gisenius confirmat. (m)

### §. XI.

Cæterum ut esset, ubi cives novi habitarent,  
& lectiones frequentarent publicas, tum ædes, (col-  
legia vulgo dicunt) concessit, tum, unde honeste  
viverent, redditus pro temporum illorum condi-  
tione assignavit certos, quos memoratus supra  
Fridericus refert. (\*) Hanc abavi munificentiam  
ut imitaretur Dux Saxonie Georgius, prout  
ipse a pueri erat literis institutus, (\*\*) favore etiam  
singulari eas prosequebatur; Collegium Principum  
Minus, quod tum Pædagogium appellabatur, atque  
ad Magistros artium pertinebat, Ictis tunc dedit, eos  
que e templo Thomano, ubi haec tenus Themidis  
suæ sacra administraverant, emigrare jussit An.  
1515. (\*\*\*) Nec nihil majorum amplissimis monu-  
mentis addidit Mauritus Elector, cum Paulinum,  
quod Monachorum paulo ante fuerat domicilium,  
Academie, una cum pagis sylvisque, quæ eo spe-  
tabant, donavit, utque Theologorum præcipue  
usibus pateret, effecit. (n) Bibliothecam quoque  
hoc in loco constituit amplam satis & libris splen-  
didam

B 2

---

& Lans. Comment. de Acad. p. 49. (m) D. Joh. Gisenius Disp.  
II. de Vita Academ. §. 43. 44. 45. (\*) in Orat. cit. p. 27.  
Vid. & Schneid. l. c. (\*\*) Consulere hanc in rem Epi-  
stolas Sadoleti & Erasmi jubet, & Dresdæ asservari  
ejus scripta docet Cl. Wilkius in Nep. Sax. p. 664. &c.  
(\*\*\*) D. Frider. l. c. p. 35. &c. (n) id. p. 37. conf.  
Excell. Fell. Oratio in laudem Borneri habita p. 39.

didam, (o) atqve duo præterea argenteorum milia contulit, qvo facilius extrui, adqve eos, qvibus destinabantur, usus, præparari ædes Paulinæ possent. Denique etiam e granariis suis sexcentos frumenti medimnos contulit qvotannis, qvo victus esset facilior illis, qvorum in literas studium egestas inhibebat. (p) Tantus erat hanc in Academiam Clementissimi Principis amor! (q)

### §. XII.

Qvod si in illustribus magnorum Principum factis recensendis, commemorari & illi solent, qvorum ministerio & opera in primis fuerunt usi; non prætereunda fortassis est illa Caspari Borneri integritas, illa in literas fides, illa diligentia; qvi in hanc Academiam omne suum contulit studium: ac cum a Fratribus Dominicanis, sive Prædicatoribus vacuæ ædes Paulinæ relictæ essent; qvanqvam tum fasces Academicos gereret, non veritus est, iter Dresdam (alii Grimmam volunt) ingredi, ut in Academiam amplissimum istud munus transferret.

Qvod

---

(o) Præter Bibliothecas enim Cœnobiorum Lipsiensium, Thomani nempe ac Minoritani seu Franciscani, accessisse etiam Pegaviensem, Salzensem, Lantsbergensem vel Petersbergensem, Chemnicensem, Buchensem, Pirnensem, & Celensem, testis locuples hic est laudatus Feller. Orat. cit. p. 43.

(p) V. Peiferus L. III. §. 39. p. 380. (q) Notanda est ejus vox, cum è Cummerstadio resciseret, esse qvosdam qvi Paulinum Academiæ invidenter, tum enim mensa palmâ percussâ: semel dixi, ait, semel scripsi, semel præstabo, & iterum percusso pectore, Stamburgo Syndico Academiæ dixit: Ego, ita erga Universitatem Lipsensem me geram, ut nemo non intelligere possit, illam valde à me adamari.

Qvod eum non fecerunt, postquam Georgius Cummerstadias Consiliarius Electoris & Johannes Pfeilius Archiater ad eandem curam Borneri precibus permoti, id a benignissimo Principe impetrarunt. Idem postea praeter labores summos, graves etiam iras, tum aliorum, tum Collegarum pertulit: qui cum fructum hujus rei haud satis prospicerent, vendendas aedes illas esse fremebant, quidam etiam in ipso fidem desiderabant. Qvibus nihil ille aut parum motus in repurgando istos & Bibliotheca, cui primus ipse praeftuit, non parum illi lucis, Paulinum, restitucionem, plurimum vero splendoris universa debeat Academia. (r)

### §. XIII.

Cum vero Scholæ & Academiæ officinæ bonarū literarum esse debeant, unde Ecclesiæ & reipubli- cæ viri aliquando utiles petantur; & haec non nisi a viris solida eruditione instructis excitari queant; Serenissimi fundatores de singulis Facultatibus, quas vocare solent, prospexerunt; ita ut Theo-

B 3 logiam

Feller. l. c. p. 36. (r) Hujus Viri in Schola Thomana collegæ sibi operam laudat Fabricius (postea Rector Illustris Scholæ ad Albim) in Annal. Urbis Misnæ p. 84. & prolixè perseqvitur Peiferus in Lips. L. III. §. 38. p. 377. unde in primis eum & puræ Religionis doctrinam, & Docto- ris Theologiæ titulum in hac Academia suscepisse discimus. Ejus laudes quoque habet Albinus in Meissn. Land- Chronic. p. 349. f. & ante omnes, qui collegit omnia de Bor- nero, ex Manuscriptis, quæ ante eum nemo percepit, celeberrimus Fellerus, in Orat. in laudes Borneri An. 1685. dicta, & præfixa Catalogo Manuscriptorum Bibliothecæ

logiam quatuor docerent. (s) cum quibus incensum venit quintus Ebraicæ lingvæ Professor. (t) Juris autem docendi munus, penes duos initio, hinc quatuor, ac denique penes quinque esset: (u) Medicinæ Doctores demum a Friderico Placido & Wilhelmo Fratribus, duo introduciti, quibus adjunxit tertium Georgius, quartum Mauritus, atque Augustus, cum hortum Medicum Academiæ instruxisset, quintum Botanicum. (x) Philosophiam qui profiterentur, plures fuere, Augusti tempore duodecim, quos ipse ad octonarium numerum reduxit, suamque cuique Professionem addidit. (y) Utque ita artes probe docerentur, viros eruditissimos convocarunt. documentum tantum sit Dux Georgius, qui Richardum Crocum, Britanum

---

Paulinæ: ad quam omnino harum rerum cupidis revertendum est. (s) duo V. duo N.T. explicabant, Schneid. l.c. p. 295. (t) de eo vid. Schneid. p. 296. (u) Primus Ordinarius materiam Judiciorum maxime ex jure Canonico, alter materiam Contractuum, tertius ultimarum voluntatum, quartus eos Juris titulos, qui ab illis commode explicari, ut ad ipsorum Professionem non pertinentes, non poterant, ut & Jus Feudale, & quintus Institutiones proponeret. V. Id. p. 297. (x) Friderici & Wilhelmi munus est Professio Therapeuticæ & Pathologicæ, sicuti a Georgio Physiologicam accepit (qua ratione, nempe ex pecunia D. Conradi Tockleri, Medici, de qua lis erat inter Senatum & Academiam, docet Schneid. & a Mauricio Chirurgicam cum Anatomica, de quibus plura habet Schneid. l. c. p. 290. f. (y) per orbem enim ibant tum artium Professiones, ita uti qui hoc semestri spatio Logicam docuerat, altero fortasse Ethicam aut aliam Philosophiæ partem explicaret; at cum An. 1551. Augustus Elector firmas eas esse jussisset, duodecim fuerunt, nempe Or.

num (z) ac mox Petrum Mosellanum, virum do-  
ctissimum, e Treviris vocavit: qui ut erat elegan-  
tiorum literarum cultor, magno cum applausu E-  
pistolas Paulinas Græce interpretatus est. qvod  
ipse in Epistola ad Mutianum Canonicum Gotha-  
num An. 1520. professus est. Qvem fato præpo-  
pero ereptum, Academia æternum luxisset, nisi in  
eius locum postea incomparabilis *Joachimus Ca-  
merarius* fuisset surrogatus. Hosqve duum viros  
Lipsiæ humaniores literas excitasse, notissimum  
est. Camerarius qvidem pro amicitia, qvam cum  
Melanchthonे sanctissime semper coluit, ejus hac  
in parte consilio & opera usus est diligenter. Nam  
ex MScto qvodam Casp. Borneri constat, Philip-  
pum, utilem reformandæ huic Academiæ operam  
navasse, cum & de doctrina pro captu seculi ordi-  
nanda; & de redditibus, unde tum professores, tum  
eorum auditores pauperes alerentur, consilium  
suppeditaret. Ubi in primis svadet, ut bona, qvæ  
mona-

---

gani Aristotelici, utriusque Lingvæ, Ethicæ, Mathematicæ,  
Fabii Qvintiliani, Virgilii & Terentii, Dialectices, Rhetori-  
ces, Libelli de Anima, Elementorum Mathematum, Gram-  
matices Græcæ & Grammatices Latinæ Professores. At  
idem cum Qvintilianum Rhetorico, & Physico librum de  
Anima attribuisset, decem, cum deinde utramqve Gram-  
maticam conjunxit, novem, ac denique hac Professione  
penitus abrogata, tantum octo remanserunt. V. Schneid.  
p. 302. f. (z) Hic primus in hac Academia Lingvæ Græcæ  
Professor, a Camerario tamen suo discipulo longe supera-  
tus, ad qvem adeo & Mosellanum Græciæ totius-  
que rei literariæ gloria pertinet. v. Fellerus Orat. in lau-  
dem Borneri hab. p. 21. f. ubi & aliorum huc adductorum  
facit mentionem.

monasteriorum usibus subPapatu destinata fuerant,  
rursus ad juvandas Ecclesias & Scholas transfe-  
rantur. confer *Recess. Imp. Spirens. de anno 1544.* §. 88.  
Qvod Principes jam laudatos observasse, B. *Hæpf-*  
*nerus*, Theologus cordatissimus, in *Evangelica Saxo-*  
*nia sect. 1. part. alt. cap. 2. n. 5. 6.* testatur.

#### §. XIV.

His ita expositis revocat nos Witteberga,  
clara atqve celebrata eo maxime, qvod pene eos-  
dem, & ipsa & pura Religio natales fortita sit: si  
qvidem utriqve ineunte seculo superiori honos su-  
us constitit: ut cum Schola ipsa anno secundo esset  
aperta, qvindecim annis post, nova inde lux, de  
qua divino veluti afflatus spiritu vaticinatus fuerat  
D. Joh. Fleccus, eadem in Urbe exoriretur. Qvod  
idem & Martinus Pollichius, cum de loco, ubi no-  
vam Academiam conderet, Princeps deliberaret,  
prædixerat. (aa)

#### §. XV.

---

(aa) Hic cum inauguraturus Academiam, vota funde-  
ret, sapientiae & vitae flumina in universum orbem ex hoc candido  
monte redundatura dixerat Fleccus, V. Laur. Rhodoman-  
nus in Orat. secul. qvæ extat in Actis Jubilæi Witteb. Anno  
1600. de Martino Pollichio vid. Sennert. in Athenis Witteb.  
I. 2. p. 15. & Fleccum qvidem ad etymon Urbis respexisse  
putat Rhodmannus l. c. & Chytræus in Chron. Sax. p. 116.  
ac si sit idem, qvam Weißberg (cui rei nomina illa Leuco-  
rea, Albiorium & Albinantium & Albiburgum respondere  
qvodammodo videntur) qvam communem qvamvis sen-  
tentiam corrigere conatur Sennertus l. c. p. I. 2. qvia præ-  
ter colliculum nullus in eo tractu mons conspiciatur: sed  
ita dictam urbem esse a conditore Wittichindo, qvafsi Wi-  
teburgum aut Wittekindiburgū, h.e. Wittekindi urbem. Sed  
forte & hoc non satis certum, siqvidem ipse Sennertus tantū

## §. XV.

Svadebat qvippe Friderico illi Sapienti, ut Academiam novam extrueret, tum ipsius in literas tam eximius amor, (bb) tum qvod in Comitiis Wormatiensibus A. 1495. ita statuente Imperatore Maximiliano I. suffragantibus Imperii Ordinibus, ut qvilibet Elector in sua ditione bene constitutam Academiam haberet, fuerat mandatum. Im-

C pera-

---

ait: creditur condidisse urbem, & p. 27. f. in schedula fastigio turris inclusa ista extant verba: *An a Wittichindo condita sit, nescimus.* At cum Burgum urbs sit sive castrum lingua antiqua Germanica, qvod ipse etiam Sennertus agnoscit, & Slavo-Sorabi & Germano-Saxones ea loca qvondam habuerint, ad alterutros autem auspicia hujus urbis referenda sint, una cum nomine, videtur locum habere Witteburgum seu Weisburgum, de cuius nominis origine plura, sed longius petita, habet Ludovicus Person. in Oratione habita in Promot. Doctorali Anno 1598. Vel etiam locum habet Witteberga, si consideremus vocem Berg / qvæ ita nova antiquæ non est, & metallifoscoribus (apud qvos multa antiquæ linguae Germanicæ vestigia) notat terram, & terram fossilem: ut adeo sit Witteberga quasi Weißerde. (bb) De qvo testis est Fabricius, munificum eum in literas fuisse fautorem, librosque Philosophicos, in primis historicos, qvos conscribi curavit, studiose legisse v. Orig. ejus Saxon. L. IIX. p. 2. Idem etiam cum jam fasces gereret, Italiam, Phœniciam & Syriam, ut qvæ ex usu sibi essent, disceret, adiit. Id l. cap. c. 3. Unde cum rediret, picturas, tabulas, inscriptionesque earum, aliaque monumenta qvam plurima, qvæ ad Historiam pertinebant, secum attulit, multa etiam morborum remedia, qvorum rationem præter astronomiam acceperat a comite suo per illas regiones Mællerstadio, v. Fabric. l. c. p. 12. Testaturque Chytræus

perator enim hic, ut virtutibus principe heroe dignis maxime eluxit; ita rem litterariam vitiis per omne genus studiorum corruptam instaurari voluit. Hancque ob causam in Comitiis jam nominatis cohortatus est Septemviro, suis quisque terris Academiam conderent. *Hujus ductu, inquit, Cyprianus* in vita ejus, literæ Ebraicæ, Græcæ, Latinae, elegantiores quoque disciplinæ quasi in Germania ortæ primum sunt ac paulatim succreverunt, ut tandem vi ac impetu quodam (ducibus Reuchlino, Erasmo, Mosellano, Melanchtone, & Camerario,) eruperint. Hujus ergo hortatu erecta est laudata jam Academia a Friderico III. Electore. Qva in re adjutore ac consiliario usus est fratre Ernesto Magdeburgensi antistite, quem Raimundus Payrandus Cardinalis & Gurzensis in Carinthia Episcopus, Alexandri VI. Pontificis R. legatus, eam ad rem stimulabat. (cc)

## §. XVI.

Itaque nullis sumtibus pepercit, atque ut potestatem haberet erigendi Academiam, bis milie scutatis a Pontifice R. Julio II. prout tum erant tempora, impetravit. (dd) Qvo facto die XIIIX.

Octobr.

---

in primis Senecæ Tragœdiis & Epistolis, ut & Horatio fuisse deletatum, & ex autoribus excerpta morum præcepta parietibus inscripsisse, nonnunquam etiam sermoni quem cum eruditis habebat, inspersisse: quorum plura Principem decentia affert in Chronico Sax. p. 52. f. (cc) Chytr. l. c. p. 145. f. Fabric. Orig. VIII p. 12. & Sennert. Athen. Witteb. L. I. c. 2. p. 14. ff. (dd) v. Orat. supra cit. Rhodom.

Octobr. in templo' arcis, (qvod ejusdem Electoris opus ac monumentum est,) novæ Academiæ capta auspicia, (ee) legesque tulit Elector ad modum Tubingensis Academiæ concinnatas; ita, ut earum & privilegiorum inspecto & Cancellarius esset Gosvinus de Orsoy, præceptor domus Liechtenbergensis. (ff) Omnium autem primus Rector Magnificus renunciatus est *Martinus Pollichius Mællerstadius*: qui cum magna eruditionis fama floreret, summosque trium facultatum honores esset consecutus, *Lux mundi* fuit appellatus.

(gg)

### §. XVII.

Veram autem mundi lucem tenebris ante obtectam *Martiuus Lutherius* ab Electore Friderico A. 1508. Wittebergam vocatus, universi orbis Christiani bono reduxit. cuius historiam *Vir summus & illustris Dn. Seckendorfius*, in *Comment. de Lutheris*

C 2

thera-

---

conf. & Bulla Pontifícia, qvam excerptis Sennertus l. c. p. 23.  
Utrum a. consensus Papæ in erigenda Academia reqviratur, jam supra definitivimus; Inter nostrates certum est paucos affirmativam tueri. unde Lansius ridet cum Bauadio Professores Codomensis, qui Leida promotos, legitime promotos dubitabant v. ejus Comment. de Academ. p. 7.  
f. (ee) Qva id solennitate tactum, exponit uberioris Sennertus l. c. p. 37. f. (ff) Rhodomann. in Orat. cit. & Chytr. Chron. Sax. p. 146. in nationes cives Academicos distribuere, non fuisse visum commodum, idem animadvertisit: Privilegia Academiæ videre licet apud Sennert. l. c. p. 21. ff. (gg) v. Rhodomann. l. c. Notandum etiam de Pollicio est, fuisse eum Friderico pene a puerō familiarissimum, qvem etiam in Rhodo insula avocatum e balneis, qvo se a vino Cretenſi contulerat, a mortis periculo liberavit, Christophoro

*theranisno perseqvitur (hh) illum ex Academia  
Tubingensi huc evocatus* An. 1518. secutus est,  
*communis Germaniae præceptor*, Philippus Melanch-  
thon, Lutheri in hoc opere Reformationis para-  
stata fidelis. (ii) Hujus in rem literariam & Eccle-  
siam merita, laudatus supra *Camerarius*, condito de  
*Vita Melanchthonis* commentario eruditissimo, il-  
lustravit. Ex qvo simul de laudabili memorato-  
rum tum Electorum studio promovendi bonas  
literas constare potest, ut nil adeo a vero alienum di-  
xerim, si ex Saxonum Academiis prodiisse affir-  
mem viros, qvi Ecclesiæ & Reipublicæ longelatius  
profuerint plurimum. Inspiciat qvis catalogos,  
(Matriculas vulgo appellant,) Academicos, qvot  
nomina illustrium virorum de regnis & Ecclesiis  
præclare meritorum leget consignata?

### §. XIIIX.

Illi autem tam solenni Academiæ institutioni,  
festivitatis qvoqve aliqvid accessit ab epulis, qvas  
publicas Fridericus tum præbuit, laudabili magni-  
ficentia, & qvam altero post seculo Christianus II. E-  
lector imitandam sibi existimaret. (kk)

### §. XIX.

Omnium deinde Facultatum Professores pu-  
blicos dedit, qvorum & numerum & salario dehinc  
Johannes & Johannes Fridericus & Augustus au-  
xerunt (II) munificentia postreis prædicanda.

### §. XX.

---

Bavaro ea de causa, paulo post extincto. v. Fabric. Annal.  
rum L. IIIX. p. 12. (hh) p. 26. 27. (ii) v. L. III. Epistola-  
Eobani Hessi per Camerarium editarum. (kk) Vid. Pro-  
gram. Facultat. Philos. qvod habet in Actis Jubilæi Witteb.  
(II) Ita ut in Theologia ex qvatuor, qvi constituti erant,

## §. XX.

Ædificia, aliaqve qvod attinet munera, accepit a Friderico & Fratre Johanne Constante Facultas Juridica, partem aulæ, ubi Lectiones suas ac Disputationes haberent, cum antea fere privatis ædibus essent usi. (mm) A Johanne] vero Friderico Sacellum arcij contiguum habet Academia, una cum illis, qvæ ad Capitulum illius templi pertinebant. (nn) Qui idem fisci etiam fundationis autor est, qvam in rem pagos nonnullos donavit, ac potestati Professorum penitus subjecit: (oo) qvodqve in laudibus ejus præcipue, memorandum est, ab illo Academiæ hujus Bibliotheca & instituta & locupletata ann. 1535. (pp) Collegium deniqve Augusti ille, cuius nomen præfert, laudatissimus Elector, magnis sumtibus extruxit (qq)

C 3

qvod

---

bini S. scripturas interpretarentur, bini locos Theol. & controversias tractarent. In jure Ordinarius, Jus Canonicum sive Decretalia, alter Codicem & Criminalia, tertius Pandecta, sive Digestum vetus, quartus Digestum novum sive inforiatum, quintus Institutiones prælegeret. Medicorum Senior Practicam doceret, alter Pathologiam, tertius Anatomen & Botanicam. In Philosophia decem constituti sunt Professores; nimirum Oratoriæ, Poëseos, Lingvæ Gr. Ebrææ & Orientalium, Logices & Metaphysices, Physicæ, Mathematum inferiorum, Mathematum superiorum, Philosophiæ Practicæ, & deniqve Historiarum. vid. Senn. Athen. Witteb. p. 42. De munificentia in scholas & literas Electoris Joh. Friderici, *Hortlederus de Bell. Smalcald.* tom. I. l. V. c. 22. f. 1367. ff. refert. (mm) vid. Zangeri JCti Orat. Secul. (nn) vid. Sennert. l. c. p. 17. (oo) vid. itid. Zangeri Orat. & Sennert. loc. cit. pag. 55. (pp) vid. Zangerus l. c. ut & Beierus in Dedicat. ad Syllab. Proff. Jenens. p. 22. (qq) vid. Zangeri Oratio Sec. & Senn. Athen. Witteb. p. 18. Domum illam ab hæredib. Lutheri, qvibus donaverat a monachis Angustianis reliqtam, Johannes Elector, 3700. florenis redemit, & restitutioni adhuc impendit ultra 3000. ita ut com-

qvod percommode affectum forte relictum a parente  
Christianus Academiæ deinde donavit. (rr) Qvibus  
rebus adnumeranda est illa secularis festivitas, qva  
Christianus II. Academiam hanc voluit esse macta-  
tam. (ff)

### §. XXI.

Seorsim etiam hoc loco memoranda *Mau-*  
*ritii & Augusti Fratrum* in utramqve Academiam  
merita. Illum siquidem earum novum appellemus  
conditorem, haud abs re facturi videmur: qvoniam  
cum accepisset easdem bello dissipatas, reduxit, & di-  
lapsos Professores ordini suo atque honori restituit.

(tt)

---

mode ibi omnia ædificarentur, nosodochia quoque fierent,  
qvibus ægri ex studiis uterentur. Senn. l. c. p. 35. s. conf.  
Fabric. L. IX. p. 131. mensæ idem publicæ 1000. modios fru-  
menti in annos singulos donavit. vid. Fabric. l. c. p. 131. (rr)  
v. Orat. sec. Rhodomanni. (ff) v. Programma Philosp. Facult.  
supra cit. Hic etiam lubuit apparere inscriptionem, qvæ Sere-  
nissimorum Saxonum, usqve ad Johannem Georgium I. ima-  
ginibus in Collegio Augusti Wittebergensi apposita legitur  
talis : A CADEMIAM WITTEBERGENSEM

FRIDERICUS III. DEI BENIGN. DUX SAX. &c.  
INCHOAVIT.

JOHANNES DEI BENIGN. DUX SAX. &c.  
CONSERVAVIT.

JOHANNES FRIDERICUS D.B. DUX SAX. &c.  
FUNDAVIT.

MAURITIUS D.B. DUX SAX. &c.  
BELLO DISSIPATAM INSTAURAVIT.

AUGUSTUS D.B. DUX SAX. &c.  
EXORNAVIT AMPLIFICAVIT ET  
CONSERVAVIT.

Vid. Senn. l. c. p. 20. f.

(tt) Hic in utraqve Academia stipendia constituit, qvibus tenuiores fortunæ studiosi in addiscendis artibus occupati juvarentur. (uu) Felix nempe superiorus ævum, qvod non tantum hominum doctissimorum studiis effloruit; sed & in medio armorum strepitu & publica velut strage tantos invenit literarum & scholarum patronos, qvi a majoribus suis transmissam juvandi literarum studia defenderunt, laudem.

### § XXII.

In Jenensem deniqve Academiam collata beneficia paucis ut describamus, *Johannes* quidem *Fridericus I.* Elector & hic statuerat aperire Academiam, cum novum ibi Anno 1548. Gymnasium erigeret, (xx) Convictoriumqve publicum institueret (yy) ac Bibliothecam Wittebergensem una cum Manuscr. omnibus huc transferret; Sigillum etiam Academiæ donaret. (zz) Sed illud demum filii ejus *Johannes Fridericus II.* *Johannes Gvilielmus* & *Johannes Fridericus III.* executi sunt. (aaa) qvi nec ipsi perfuncto-

---

(tt) v. Rhodom. Orat. cit. & Fabric. Sax. Illustr. L. IX. p. 100. & Chytr. p. 483. conf. Adrianus Beyerus in Syllabo Proff. Jen. p. 171. & 174. ubi & has & alias Academiarum missiones memorat. (uu) numerum amplum satis eorum, qvi fruerentur stipendiis, constituit; nempe in utraqve Academia 150. cum ante perpauci fuissent, hisqve singulis dedit ad minimum 30. florenos qvotannis: Magistris 40. Juris studiosis (qvi tamen cum Medicis in hoc numero non continentur:) etiam 50. aut 60. Hisqve leges, ad qvas vitam componerent, præscripsit. Fabric. l. c. L. IX. p. 131. & Elect. Augusti Lands-Ordnung p. 201. ss. (xx) v. Adr. Beyerus in Dedic. ad Syllab. p. 19. 43. (yy) Id. p. 22. (zz) v. de his rebus id. l. c. primus Bibliothecarius hic fuit M. Georg. Rosarius, uti Wittebergæ M. Georg. Spalatinus. Id. (aaa) Id. 18. 23. 43. conf. Fabric. Sax. Illustr.

functorie sibi rem tantam agendam putarunt: ita, ut maxima ordinum omnium celebritate, die II. Febr. A. 1558. introduceretur, (bbb) ipseqve Johannes Fredericus Patris, suum Fratrumque Sereniss. in literas amorem publice latina oratione testatus, (ccc) privilegiis tum iis, quæ Carolus V. & Ferdinandus I. Impp. dederant, tum iis, quæ indulgebat ipse, afficeret; (ddd) Rectoremque primum daret D. Johannem Schröterum Med. P.P. (eee) Qvibus in rebus multum tum valebant consilia Nicolai de Ammsdorff Episcopi Naumburgensis, tumqve exulis. (fff)

### §. XXIII.

Neqve hic defuerunt viri, quorum eruditione atqve industriae nova Salanæ fortuna inniteretur: qvippe eam in rem jam parens Celsissimus advocaverat ex Academia Erfordiensi Victorinum Strigelium, e Tbingensi Erhardum Schnepfium, Theologos celebratissimos, (ggg) addideratqve Poëtam eo tempore principem, Johannem Stigelum. In Jure primus docendi munus suscepit Basilius Mennerus,

uti

---

L. VIII. p. 53. & Chytr. Chron. Sax. p. 557. (bbb) qva enim solennitate & frequentia auspicia fuerint capta p. 24. s. explicat Beyerus & p. 47. Catalogum texit Principum, Comitum atqve Baronum qui adfuerint. (ccc) Beyer. l. c. p. 26. Fuit enim hic Princeps in literis admodum exercitatus, ita ut peradolescentulus, utpote non amplius quam 12. annos natus, in arce Torgaviensi coram Celsiss. Parente orationem haberet nitidam, eamqve actione commoda condecoraret; biennioqve post altioribus in Academia Wittebergensi disciplinis imbutus, in confessu Illustriss. Principum aliorumqve de officio boni Principis verba faceret, quæ adeo, de eo commemorat, eamqve in rem verba Lutheri adducit Fabric. Orig. Sax. I X. p. 50. l. (ddd) Beyerus p. 27. 30. (eee) p. 52. (fff) p. 20. 46. (ggg)

uti in medicina, qvi Vienna advenerat, Johannes Schröderus, cuius supra mentio injecta. Horumque adeo auspiciis, du&tu Illustri Principum ad eam, quæ claruit postea, famam Academia pervenit.

§. XXIV.

Atqve hoc in Academias & literarum studia, Serenissimorum Principum favore tam manifesto, nemo forte & illam *scholarum*, quas vocant, *trivialium* curam poterit inficiari, qvi perpenderit saltim, illam tam salubrem scholarum institutionem, ac leges ab *Optimo Principe Augusta* latae. (bbb)

§. XXV.

Hic, ut aliarum mentionem non faciamus, illas tantum, quæ *provinciales* audiunt & *Illustres*, lubet videre. Qvarum constitutionis pene propriam sibi laudem vendicat *Mauritius*. Purgavit enim a fôrdibus tria illa Monasteria, & quæ causa fuerant olim constituendis ejusmodi collegiis, artium, disciplinarumque sedes & tyrocinia effecit. (iii) Ac *Misenensis* quidem Scholæ D. Afræ sacræ antea & monachis Canonicis irregularibus dicatæ, V. Non. Jul. A. 1443. capta auspicia: *Portensis* vero Cal. Nov. (habuerant eam Cistercienses:) *Grimmanæ* denique (Prædicantium modo Ordinis D. Augustini Cœnobii) XVIII. Cal. Octob. (kkk) Qvam in rem luculentum apud Sleidanum extat testimonium infra ad-

D scriben-

---

Laudantur triumviri hi Strigelius, Schnepfius & Stigelius a Chytr. Chron. Sax. p. 557. quanquam Strigelius male rem gesserit postea, aliquando Synergista, hinc & Zwinglianus, perpetuas in Schnepfium inimicitias exercuit, cui & sape culcitra in itinere, additis contumeliis, subtraxit. (bbb) vid. die Lands-Ordnung edit. 1618. p. 118. seqq. (iii) conf. Chron. Portense M. Justini Pertuchii P. II. p. 67. (kkk) conf. Fabric.

scribendum. (III) In his deinde, qvibus ad honestatem morum ducerentur alumni, leges per Camerarium præscripsit (mmm)

### §. XXVI.

Nec alienus ab his Fratris consiliis, *Augustus* (nnn) ita amplificavit, auxitqve numerum alumnorum, ut cum ad cives modo ante illud beneficium pertinuisse, exteris postea eo etiam perfrui liceret; (ooo) Cumqve splendidis ædificiis Portam augeret, nec Misenæ ac Grimmæ eum cepit oblivio, qvibus decem ex stipendiis viginti Portam unam spe-

ctanti-

---

Sax. Illustr. L. IX. p.98. f. & Pertuch. Chron. Portense P. I p.74. (III) ita enim Comment. de statu Relig. & Reipubl. L. XV. Mauritium heröem fortissimum laudat, qvod partem bonorum Ecclesiasticorum scholis constituendis destinari. Qvoniam, inquit, Juventus est veluti seminarium tam Ecclesiæ, qvam Reipubl. tres literarum ludos instituit Misenæ, Merseburgi (notandum enim, eam deinde Grimmam delatam esse) Portæ. Singulisqve locis certum numerum attribuit adolescentium. His omnibus viatum præbet & vestitum, magistris etiani annua stipendia solvit, & in hunc usum applicat eorum collegiorum proventus, in qvibus aliquando monachi vixerunt, & id genus alii. Studiosis concedit sex annos ut ibi doceantur, qvæ tamen aliqua ex parte jam novimus immutata. De Portensi ex Chronico Pertuchii constat, constituisse eundem Mauritium, ut hujus alumni 20. in Academiis Lipsiæ aut Wittebergæ adhuc stipendiis sustentarentur. vid. Chron. illud P. I. p.75. (mmm) Pertuchius l.c.p 83. (nnn) Fuit enim & hic eximius literis fautor, & in scholæ Misenensis constitutione Mauritio adjungitur, cuius nempe foribus illud inscriptum est distichon:

Mauritii pietas, Augustiqve inclyta virtus

Hanc Christo & studiis constituere Scholam.

(ooo) Pertuch. in Chron. Port. P.I p.80. Porta aluerat ante tantum 100. Misena 60. Verum quantum ultraqve excrevit? Illa

Etantibus contulit. (ppp) *Christianus* autem Elector,  
cum vitæ studendum, non tantum scholæ puta-  
ret, atque ita mature affuefaciendam juventutem,  
ut actiones, qvibus vita humana indiget, dijudica-  
re posset, atque decore exprimere; utriqve quidem  
lingvæ vacare sedulo alumnos voluit; sed & bis per  
annum in theatro exerceri. (qqq) Idem in Scholæ  
Grimmensis atque Misenensis usus convertit eam pe-  
cuniā, qvam in eleemosynas pauperum, ex rediti-  
bus Portæ constituerat Mauritius, ipse autem multo-  
rum malorum causam eam cognoverat. (rrr) Hoc  
extincto, interea dum adolesceret *Christianus II.* *Fri-  
dericus Wilhelmus* Dux Saxonie tutor Principum juni-  
orum, de disputationibus instituendis ac lectionibus  
justo tempore absolvendis cavit. (fff) De ipso verò  
*Christiano* Electore, præterqvam quod abunde eum li-  
teras amasse, documento est omnium per Saxoniam  
instituta Academiarum scholarumqve visitatio, com-  
pendium quoqve theologicum adornatum, atque  
scholæ Portensi commendatum memorat *Pertuchius*.  
(ttt) Qvi hunc seqvuntur duorum Electorum Johan-

D 2 nis

---

enim jam 100. hæc ferme 110. habet. (ppp) v. de his omnibus  
cit. Chron. P. I. p. 81. sq. ubi tale quoqve palatium in Porta ex-  
truxisse perhibetur, in quo ipse pernoctaret. (qqq) vid. Per-  
tuch. Chron. Port. P.I. p. 83. (rrr) Sæpe enim oppressi in eges-  
tu, & cum etiam validi mendici multo ante tempore congrega-  
rentur ibi, graves erant vicinis: Reduxit tamen postliminio hanc  
eleemosinarum consuetudinem *Christianus II.* atque ter in an-  
no panem pannumqve in vicinos pagos & nosocomia mitti vo-  
luit. v. Chron. Port. P.I p. 84. 88. (fff) factum id per Nic. Reusne-  
rum. v. Chron. cit. p. 85. voluit autem & cursum Logicum & sin-  
gulorum autorum semestri spatio plerumqve lectionem absol-  
vi, atque hinc examina institui publica. (tt) vid. Chron. p. 87.

nis Georgii I. & II. etsi merita ac virtutes eorum dignum adhuc præconem laudum suarum expectent, tanta tamen sunt munera, ut latere non possint. Tot occupatus bellis, tot exercitatus periculis, tot distraet⁹ curis JOHANNES GEORGII I. ne quid tamen detrimenti hæ caperent, providit sedulo. JOHANNES GEORGII II. Misnensem præcipue splendidis ædificiis bibliothecaqve denuo instructa auxit: & qvæ a JOHANNE GEORGIO III. acceperit, non ita multo ante innovata atqve exornata vicina Grimma, non loquitur, sed clamat.

### §. XXVII.

Hoc adeo Saxonie præsidium, hunc suorum amorem atqve delicum, hostium fulmen atqve terrem, hunc Imperii Germanici Camillum, libertatisqve vetustæ Statorem, hunc Musarum Nutritium Clementissimum, ut servet qvam diutissime incolumem Deus Opt. Max. rogamus, & qvando illum fata sua, sed sera vovemus, à nobis reposcent, illos semper Principes ex Sereniss. Saxonum gente donet, qvos sperandos superiorum temporum tam felix monet memoria.

# SOLI DEO GLORIA!



201m, 21m